

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

प्रथम काण्डे द्वितीयः प्रश्नः

---

## **Version Notes:**

**This is now the current Version 1.0 dated October 31, 2021**

1. This replaces the earlier version 1.0 dated August 31, 2020.
2. We have listened to the Karma Paaraayanam telecast by TTD channel. No corrections found . Further , no corrections found and reported till October 15, 2021.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id [vedavms@gmail.com](mailto:vedavms@gmail.com)

### **Earlier Versions**

1st Version Number	0.0 dated 24th May 2018
2nd Version Number	0.1 dated 31st Mar 2020
3rd Version Number	1.0 dated 31st Aug 2021

---

## **Table of Contents**

1 कृष्ण यजुर्वेदीय तैत्तिरीय संहिता क्रम पाठः .....	4
1.2 प्रथम काण्डे द्वितीयः प्रश्नः – (अग्निष्टोमे क्रयः) .....	4

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदीय तैत्तिरीय संहिता क्रम पाठः

1.2 प्रथम काण्डे द्वितीयः प्रश्नः – (अग्निष्टोमे क्रयः)

T.S.1.2.1.1 - kramam

आप॑ उ॒न्दन्तु॑ । उ॒न्दन्तु॑ जी॒वसे॑ ॥ जी॒वसे॑ दी॒र्घायु॑त्वाय॑ । दी॒र्घायु॑त्वाय॑  
वर्च॑से । दी॒र्घायु॑त्वायेति॑ दी॒र्घायु॑ – त्वाय॑ । वर्च॑स ओष॑धे । ओष॑धे  
त्राय॑स्व । त्राय॑स्वैनम् । ए॒न॒७ स्व॑धिते । स्व॑धिते॒ मा । स्व॑धित॒ इति॑  
स्व – धि॑ते । मै॒नम् । ए॒न॒७ हि॒७सीः॑ । हि॒७सी॑र् दे॒वश्रूः॑ ।  
दे॒वश्रू॑रेतानि॑ । दे॒वश्रू॑रिति॑ दे॒व – श्रूः॑ । ए॒तानि॑ प्र । प्र व॑पे । व॒पे  
स्व॑स्ति । स्व॑स्त्यु॒त्तरा॑णि । उ॒त्तरा॑ण्यशी॒य । उ॒त्तरा॑णीत्युत् – त॒राणि॑ ।  
अ॒शीया॑पः । आपो॑ अ॒स्मान् । अ॒स्मान् मा॒तरः॑ । मा॒तरः॑ शु॒न्धन्तु॑ ।  
शु॒न्धन्तु॑ घृ॒तेन॑ । घृ॒तेन॑ नः । नो॑ घृ॒तपु॑वः । घृ॒तपु॑वः पु॒नन्तु॑ । घृ॒तपु॑व  
इति॑ घृ॒त – पु॑वः । पु॒नन्तु॑ वि॒श्वम् । वि॒श्वम॑स्मत् । अ॒स्मत् प्र ।  
प्र व॑हन्तु । व॒हन्तु॑ रि॒प्रम् । रि॒प्रमु॑त् । उ॒दा॒भ्यः॑ । आ॒भ्यः॑ शु॒चिः॑ ।  
शु॒चिरा॑ । आ पू॒तः । पू॒त ए॒मि । ए॒मि सो॑मस्य । सो॑मस्य त॒नूः ।

त॒नूर॑सि । अ॒सि॒ त॒नु॒व॒म् । त॒नु॒व॒म् मे॑ । मे॒ पा॒हि॒ । पा॒हि॒ म॒ही॒ना॒म् ।  
 म॒ही॒ना॒म् प॒यः॑ । प॒यो॑ऽसि । अ॒सि॒ व॒र्चो॑धाः । व॒र्चो॑धा॒ अ॒सि॒ ।  
 व॒र्चो॑धा॒ इति॑ व॒र्चः॑ – धाः । अ॒सि॒ व॒र्चः॑ । व॒र्चो॑ म॒यि॑ । 1 (50/56)

**T.S.1.2.1.2 - kramam**

म॒यि॑ धे॒हि॒ । धे॒हि॒ वृ॒त्र॒स्य॑ । वृ॒त्र॒स्य॑ क॒नी॒नि॒का॑ । क॒नी॒नि॒का॑ऽसि॒ ।  
 अ॒सि॒ च॒क्षु॒ष्पाः॑ । च॒क्षु॒ष्पा॑ अ॒सि॒ । च॒क्षु॒ष्पा॑ इति॑ च॒क्षुः॑ – पाः ।  
 अ॒सि॒ च॒क्षुः॑ । च॒क्षुर् मे॑ । मे॒ पा॒हि॒ । पा॒हि॒ चि॒त्प॒तिः॑ । चि॒त्प॒ति॑स्त्वा ।  
 चि॒त्प॒ति॑रिति॑ चि॒त् – प॒तिः॑ । त्वा पु॒ना॒तु॒ । पु॒ना॒तु॒ वाक्प॒तिः॑ ।  
 वाक्प॒ति॑स्त्वा । वाक्प॒ति॑रिति॑ वाक् – प॒तिः॑ । त्वा पु॒ना॒तु॒ । पु॒ना॒तु॒  
 दे॒वः॑ । दे॒व॒स्त्वा॑ । त्वा स॒वि॒ता॑ । स॒वि॒ता॑ पु॒ना॒तु॒ । पु॒ना॒त्व॒च्छि॒द्रेण॑ ।  
 अ॒च्छि॒द्रेण॑ प॒वि॒त्रेण॑ । प॒वि॒त्रेण॑ व॒सोः॑ । व॒सोः॑ सूर्य॑स्य । सूर्य॑स्य  
 र॒श्मि॑भिः । र॒श्मि॑भि॒स्तस्य॑ । र॒श्मि॑भि॒रिति॑ र॒श्मि॑ – भिः॑ । तस्य॑ ते ।  
 ते प॒वि॒त्र॒प॒ते॑ । प॒वि॒त्र॒प॒ते॑ प॒वि॒त्रेण॑ । प॒वि॒त्र॒प॒त॒ इति॑ प॒वि॒त्र – प॒ते॑ ।  
 प॒वि॒त्रेण॑ य॒स्मै॑ । य॒स्मै॑ क॒म् । क॒म् पु॒ने॑ । पु॒ने॑ तत् । त॒च्छ॒के॒य॒म् ।  
 श॒के॒य॒मा॑ । आ वः॑ । वो दे॒वा॒सः॑ । दे॒वा॒स॑ ई॒म॒हे॑ ।

ई॒महे॒ स॒त्य॒ध॒र्मा॒णः॑ । स॒त्य॒ध॒र्मा॒णो॒ अ॒ध्व॒रे॑ । स॒त्य॒ध॒र्मा॒ण इति॑  
 स॒त्य – ध॒र्मा॒णः॑ । अ॒ध्व॒रे॑ यत् । य॒द्वः॑ । वो॒ दे॒वा॒सः॑ । दे॒वा॒स  
 आ॒गु॒रे॑ । आ॒गु॒रे॑ य॒ज्ञि॒या॒सः॑ । आ॒गु॒र इत्या॑ – गु॒रे॑ । य॒ज्ञि॒या॒सो  
 ह॒वा॒महे॑ । ह॒वा॒मह॑ इन्द्रा॒ग्नी॑ । इन्द्रा॒ग्नी॑ द्या॒वापृ॑थि॒वी । इन्द्रा॒ग्नी॑  
 इतीन्द्र॑ – अ॒ग्नी॑ । द्या॒वापृ॑थि॒वी आपः॑ । द्या॒वापृ॑थि॒वी इति॑  
 द्या॒वा – पृ॒थि॒वी॑ । आप॑ ओष॒धीः॑ ( ) । ओष॒धी॒स्त्वम्॑ ।  
 त्वम् दी॒क्षा॒णाम्॑ । दी॒क्षा॒णाम॒धि॒पतिः॑ । अ॒धि॒पति॑रसि ।  
 अ॒धि॒पति॑रित्य॒धि – पतिः॑ । अ॒सी॒ह॑ । इ॒ह मा॑ । मा॒ स॒न्तम्॑ ।  
 स॒न्तम् पा॒हि॑ । पा॒ही॒ति पा॒हि॑ ॥ 2 (58/68)

(वर्च॑ – ओष॒धी॒र॒ष्टौ च॑) (A1)

**T.S.1.2.2.1 - kramam**

आ॒कू॒त्यै प्र॒यु॒जे॑ । आ॒कू॒त्या इत्या॑ – कू॒त्यै॑ । प्र॒यु॒जे॑ ऽग्नये॑ । प्र॒यु॒ज  
 इति॑ प्र – यु॒जे॑ । अ॒ग्नये॑ स्वाहा॑ । स्वाहा॑ मे॒धायै॑ । मे॒धायै॑ मन॒से॑ ।  
 मन॒से॑ ऽग्नये॑ । अ॒ग्नये॑ स्वाहा॑ । स्वाहा॑ दी॒क्षायै॑ । दी॒क्षायै॑ तप॒से॑ ।  
 तप॒से॑ ऽग्नये॑ । अ॒ग्नये॑ स्वाहा॑ । स्वाहा॑ सर॒स्वत्यै॑ । सर॒स्वत्यै॑ पू॒ष्णे॑ ।  
 पू॒ष्णे॑ ऽग्नये॑ । अ॒ग्नये॑ स्वाहा॑ । स्वाहा॑ ऽपः॑ । आपो॑ दे॒वीः॑ ।

दे॒वीर् बृ॒हतीः । बृ॒हतीर् वि॒श्वश॑म्भुवः । वि॒श्वश॑म्भुवो द्यावापृथि॒वी ।  
 वि॒श्वश॑म्भुव इति वि॒श्व - श॑म्भुवः । द्यावापृथि॒वी उ॒रु । द्यावापृथि॒वी  
 इति द्यावा - पृथि॒वी । उ॒र्वन्त॑रि॒क्षम् । अ॒न्तरि॑क्षम् बृ॒हस्प॑तिः ।  
 बृ॒हस्प॑तिर् नः । नो ह॒विषा॑ । ह॒विषा॑ वृ॒धातु॑ । वृ॒धातु॑ स्वाहा॑ ।  
 स्वाहा॑ वि॒श्वे॑ । वि॒श्वे दे॒वस्य॑ । दे॒वस्य॑ ने॒तुः । ने॒तुर् म॑र्तः ।  
 म॑र्तो वृ॒णीत॑ । वृ॒णीत॑ स॒ख्यम् । स॒ख्यं वि॒श्वे॑ । वि॒श्वे रा॒यः ।  
 रा॒य इ॒षुद्ध्य॑सि । इ॒षुद्ध्य॑सि द्यु॒म्नम् । द्यु॒म्नं वृ॒णीत॑ । वृ॒णीत॑ पु॒ष्यसे॑ ।  
 पु॒ष्यसे॑ स्वाहा॑ । स्वाह॑र्ख् स॒मयोः॑ । ऋ॒ख् स॒मयोः॑ शिल्पे॑ ।  
 ऋ॒ख् स॒मयो॒रित्यृ॑क् - स॒मयोः॑ । शिल्पे॑ स्थः । शिल्पे॑ इति शिल्पे॑ ।  
 स्थ॒स्ते । ते वा॑म् । ते इति ते । वा॒मा । आ र॑भे । र॒भे ते । ते मा॑ ।  
 ते इति ते । मा पा॒तम् । 3 (50/58)

**T.S.1.2.2.2 - kramam**

पा॒तमा॑ । आ ऽस्य॑ । अ॒स्य य॒ज्ञस्य॑ । य॒ज्ञस्यो॒दृचः॑ । उ॒दृच॑ इ॒माम् ।  
 उ॒दृच॑ इत्यु॒त् - ऋ॒चः॑ । इ॒माम् धि॒यम् । धि॒यं शि॒क्षमा॑णस्य ।  
 शि॒क्षमा॑णस्य दे॒व । दे॒व क्र॑तुम् । क्र॑तुम् दक्षम् । दक्षं व॑रुण ।  
 व॑रुण॒ सम् । सं शि॒शाधि॑ । शि॒शाधि॑ यया॑ । यया॑ति ।

अ॒ति॒ वि॒श्वा॑ । वि॒श्वा॑ दु॒रि॒ता । दु॒रि॒ता॒ तरे॑म । दु॒रि॒ते॒ति॒ दुः॑ – इ॒ता ।  
तरे॑म सु॒त॒र्मा॑णम् । सु॒त॒र्मा॑णम॒धि । सु॒त॒र्मा॑णमि॒ति सु॑ – त॒र्मा॑णम् ।  
अ॒धि॒ ना॒वम्॑ । ना॒व॒ रु॒हे॑म । रु॒हे॒मो॒र्क् । ऊ॒र्ग॒सि॑ । अ॒स्या॒ङ्गि॒र॒सी ।  
आ॒ङ्गि॒र॒स्यूर्ण॑म्र॒दाः । ऊ॒र्ण॑म्र॒दा ऊ॒र्ज॑म् । ऊ॒र्ण॑म्र॒दा इ॒त्यूर्ण॑ – म्र॒दाः ।  
ऊ॒र्ज॑म् मे । मे॒ य॒च्छ॑ । य॒च्छ॑ पा॒हि॒ । पा॒हि॒ मा॑ । मा॒ मा॑ । मा॒ मा॑ ।  
मा॒ हि॒सीः॑ । हि॒सी॒र् वि॒ष्णोः॑ । वि॒ष्णोः॑ श॒र्म । श॒र्मा॑सि॒ । अ॒सि॒  
श॒र्म । श॒र्म॒ यज॑मानस्य । यज॑मानस्य श॒र्म । श॒र्म॒ मे॒ । मे॒ य॒च्छ॑ ।  
य॒च्छ॑ नक्ष॑त्राणाम् । नक्ष॑त्राणाम् मा॒ । मा॒ ऽती॒का॒शात्॑ ।  
अ॒ती॒का॒शात्॑ पा॒हि॒ । पा॒ही॒न्द्र॑स्य । इ॒न्द्र॑स्य॒ योनिः॑ । यो॒नि॒र॒सि॑ ( ) ।

अ॒सि॒ मा॒ । 4 (50/54)

**T.S.1.2.2.3 - kramam**

मा॒ मा॑ । मा॒ हि॒सीः॑ । हि॒सीः॑ कृ॒ष्यै॑ । कृ॒ष्यै॑ त्वा॑ ।  
त्वा॒ सु॒स॒स्यायै॑ । सु॒स॒स्यायै॑ सु॒पि॒प्प॒ला॒भ्यः॑ ।  
सु॒स॒स्याया॑ इति॒ सु॑ – स॒स्यायै॑ । सु॒पि॒प्प॒ला॒भ्यस्त्वा॑ ।  
सु॒पि॒प्प॒ला॒भ्य इति॒ सु॑ – पि॒प्प॒ला॒भ्यः॑ । त्वौष॑धीभ्यः ।



ओष॑धी॒भ्यः॑ सू॒प॒स्थाः॑ । ओष॑धी॒भ्य इ॒त्योष॑धि-भ्यः॑ । सू॒प॒स्था दे॒वः॑ ।  
 सू॒प॒स्था इति॑ सु - उ॒प॒स्थाः॑ । दे॒वो व॒नस्प॑तिः । व॒नस्प॑तिरूर्ध्वः॑ ।  
 ऊ॒र्ध्वो मा॑ । मा पा॒हि । पा॒ह्या । ओदृ॑चः । उदृ॑चः स्वाहा॑ । उदृ॑च  
 इत्यु॑त् - ऋचः॑ । स्वाहा॑ य॒ज्ञम् । य॒ज्ञम् म॒नसा॑ । म॒नसा॑ स्वाहा॑ ।  
 स्वाहा॑ द्यावा॑पृथि॒वीभ्या॑म् । द्यावा॑पृथि॒वीभ्या॑ स्वाहा॑ ।  
 द्यावा॑पृथि॒वीभ्या॑मिति॑ द्यावा॑ - पृथि॒वीभ्या॑म् । स्वाहो॒रोः॑ ।  
 उ॒रोर॒न्तरि॑क्षात् । अ॒न्तरि॑क्षात् स्वाहा॑ । स्वाहा॑ य॒ज्ञम् । य॒ज्ञं वा॑तात् ।  
 वा॒तादा॑ । आ र॒भे । र॒भ इति॑ र॒भे ॥ 5 (30/36)

( मा - यो॒नि॒र॒सि - त्रि॒श॒च्च ) (A2)

**T.S.1.2.3.1 - kramam**

दै॒वीम् धि॒यम् । धि॒यम् म॒नाम॑हे । म॒नाम॑हे सु॒मृ॒डीका॑म् ।  
 सु॒मृ॒डीका॑मभि॒ष्टये॑ । सु॒मृ॒डीका॑मिति॑ सु - मृ॒डीका॑म् । अ॒भि॒ष्टये॑  
 वर्चो॑धाम् । वर्चो॑धां य॒ज्ञवा॑हसम् । वर्चो॑धामिति॑ वर्चः॑ - धाम् ।  
 य॒ज्ञवा॑हस॒ सुपा॑रा । य॒ज्ञवा॑हस॒मिति॑ य॒ज्ञ - वा॑हसम् । सु॒पा॒रा नः॑ ।  
 सु॒पा॒रेति॑ सु - पा॒रा । नो अ॒सत् । अ॒सद्व॑शे । व॒श इति॑ व॒शे ॥

## प्रथम काण्डे – द्वितीयः प्रश्नः – (TS 1.2)

ये दे॒वाः । दे॒वा मनो॑जा॒ताः । मनो॑जा॒ता मनो॑युजः । मनो॑जा॒ता इति॑  
मनः॑ – जा॒ताः । मनो॑युजः सु॒दक्षाः॑ । मनो॑युज इति॑ मनः॑ – युजः॑ ।  
सु॒दक्षा॑ दक्ष॑पिता॒रः । सु॒दक्षा॑ इति॑ सु – दक्षाः॑ । दक्ष॑पिता॒रस्ते ।  
दक्ष॑पिता॒र इति॑ दक्ष॑ – पिता॒रः । ते नः॑ । नः॑ पा॒न्तु । पा॒न्तु ते ।  
ते नः॑ । नो॒ऽवन्तु॑ । अ॒वन्तु॑ तेभ्यः॑ । तेभ्यो॑ नमः॑ । नम॑स्तेभ्यः॑ ।  
तेभ्यः॑ स्वाहा॑ । स्वाहा॑ऽग्ने॑ । अग्ने॑ त्वम् । त्वञ् सु । सु जा॑गृहि ।  
जा॑गृहि वयम् । वयञ् सु । सु म॑न्दिषीमहि । म॑न्दिषीमहि गोपा॒य ।  
गोपा॒य नः॑ । नः॑ स्व॒स्तये॑ । स्व॒स्तये॑ प्र॒बुधे॑ । प्र॒बुधे॑ नः॑ । प्र॒बुध इति॑  
प्र – बुधे॑ । नः॑ पुनः॑ । पुनर् ददः॑ । दद इति॑ ददः॑ ॥ त्वम॑ग्ने ।  
अग्ने॑ व्रत॒पाः । व्रत॒पा अ॑सि । व्रत॒पा इति॑ व्रत – पाः । अ॒सि दे॒वः ।  
दे॒व आ । आ म॑र्त्येषु । म॑र्त्येष्व । ए॒त्या ॥ त्वं य॑ज्ञेषु । 6 (50/60)

### T.S.1.2.3.2 - kramam

य॒ज्ञेष्वी॒ड्यः॑ । ई॒ड्य इती॑ड्यः ॥ वि॒श्वे दे॒वाः । दे॒वा अ॒भि ।  
अ॒भि मा॑म् । मा॒मा । आ॒ऽववृ॑त्रन् । अ॒ववृ॑त्रन् पू॒षा । पू॒षा स॒न्या ।  
स॒न्या सोमः॑ । सोमो॑ राध॒सा । राध॒सा दे॒वः । दे॒वः स॒विता॑ ।

स॒वि॒ता व॒सोः॑ । व॒सोर् व॒सु॒दावा॑ । व॒सु॒दावा॑ रा॒स्व । व॒सु॒दावे॑ति  
व॒सु-दा॒वा । रा॒स्वे॒यत् । इ॒य॒थ् सो॒म । सो॒मा । आ भू॒यः । भू॒यो भ॑र ।  
भ॒र मा । मा पृ॒णन् । पृ॒णन् पू॒र्या । पू॒र्या वि॑ । वि रा॒धि । रा॒धि मा ।  
माऽह॑म् । अ॒ह॒मायु॑षा । आ॒युषा च॒न्द्रम् । च॒न्द्रम॑सि । अ॒सि म॑म ।  
म॑म भो॒गाय॑ । भो॒गाय॑ भव । भ॒व व॒स्त्रम् । व॒स्त्रम॑सि । अ॒सि म॑म ।  
म॑म भो॒गाय॑ । भो॒गाय॑ भव । भ॒वो॒स्रा । उ॒स्राऽसि॑ । अ॒सि म॑म ।  
म॑म भो॒गाय॑ । भो॒गाय॑ भव । भ॒व ह॒यः । ह॒योऽसि॑ । अ॒सि म॑म ।  
म॑म भो॒गाय॑ । भो॒गाय॑ भव । भ॒व छा॒गः । 7 (50/51)

**T.S.1.2.3.3 - kramam**

छा॒गोऽसि॑ । अ॒सि म॑म । म॑म भो॒गाय॑ । भो॒गाय॑ भव । भ॒व मे॒षः ।  
मे॒षोऽसि॑ । अ॒सि म॑म । म॑म भो॒गाय॑ । भो॒गाय॑ भव । भ॒व वा॒यवे॑ ।  
वा॒यवे॑ त्वा । त्वा व॒रु॒णाय॑ । व॒रु॒णाय॑ त्वा । त्वा नि॒र्ऋ॒त्यै । नि॒र्ऋ॒त्यै  
त्वा । नि॒र्ऋ॒त्या इति॑ निः - ऋ॒त्यै । त्वा रु॒द्राय॑ । रु॒द्राय॑ त्वा ।  
त्वा दे॒वीः । दे॒वीरा॑पः । आ॒पो अ॒पाम् । अ॒पान्न॑पात् । न॒पाद्यः॑ ।  
य ऊ॒र्मिः । ऊ॒र्मिर् ह॒विष्यः॑ । ह॒विष्य॑ इ॒न्द्रि॒यावा॑न् । इ॒न्द्रि॒यावा॑न्  
म॒दि॒न्त॒मः । इ॒न्द्रि॒यावा॑नि॒तीन्द्रि॒य - वा॑न् । म॒दि॒न्त॒मस्त॑म् । तं वः॑ ।

वो॒ मा । मा॒ऽव । अव॑ क्र॒मिष॑म् । क्र॒मि॒ष॒म॒च्छि॒न्नम् ।  
 अ॒च्छि॒न्नम् त॑न्तुम् । त॑न्तुम् पृ॒थि॒व्याः । पृ॒थि॒व्या अ॒नु । अ॒नु गे॑षम् ।  
 गे॒षम् भ॒द्रात् । भ॒द्राद॑भि । अ॒भि श्रे॑यः । श्रे॒यः प्र । प्रे॑हि । इ॒हि  
 बृ॒ह॒स्प॒तिः । बृ॒ह॒स्प॒तिः पु॒र॒ए॒ता । पु॒र॒ए॒ता ते॑ । पु॒र॒ए॒तेति॑ पु॒रः-ए॒ता ।  
 ते अ॒स्तु । अ॒स्त्वथ॑ । अ॒र्थम् । ई॒मव॑ । अव॑ स्य ( ) । स्य॒ वरे॑ ।  
 वर॑ आ । आ पृ॒थि॒व्याः । पृ॒थि॒व्या आ॒रे । आ॒रे श॒त्रून् ।  
 श॒त्रून् कृ॑णुहि । कृ॒णु॒हि स॒र्ववी॑रः । स॒र्ववी॑र आ । स॒र्ववी॑र इति॒  
 स॒र्व - वी॑रः । ए॒दम् । इ॒दम॑गन्म । अ॒गन्म॒ दे॒वय॑जनम् । दे॒वय॑जनम्  
 पृ॒थि॒व्याः । दे॒वय॑ज॒नमि॑ति दे॒व - य॑जनम् । पृ॒थि॒व्या वि॒श्वे । वि॒श्वे  
 दे॒वाः । दे॒वा यत् । यद॑जुषन्त । अ॒जुष॑न्त पूर्वे॑ । पूर्वे॑ ऋ॒ख्सा॒माभ्या॑म् ।  
 ऋ॒ख्सा॒माभ्या॑ य॒जुषा॑ । ऋ॒ख्सा॒माभ्या॑मित्यृ॒ख्सा॒म - भ्या॑म् ।  
 य॒जुषा॑ स॒न्तर॑न्तः । स॒न्तर॑न्तो रा॒यः । स॒न्तर॑न्त इति॒ सम् - तर॑न्तः ।  
 रा॒यस्पो॑षेण । पो॑षेण॒ सम् । स॒मिषा॑ । इ॒षा म॑देम ।  
 म॑देमेति॒ मदे॑म ॥ 8 (75/82) (आ त्व॑ - ह॒योऽसि॑ म॒म भो॑गाय  
 भव॑-स्य-प॒ञ्चवि॑ंशतिश्च) (A3)

**T.S.1.2.4.1 - kramam**

इ॒यम् ते॑ । ते शु॒क्र । शु॒क्र त॒नूः । त॒नूरि॒दम् । इ॒दं व॑र्चः । व॒र्चस्त॒या ।  
त॒या स॒म् । स॒म् भ॒व । भ॒व भ्रा॒जम् । भ्रा॒जम् ग॒च्छ । ग॒च्छ जूः ।  
जू॒रसि॑ । अ॒सि धृ॒ता । धृ॒ता म॒नसा॑ । म॒नसा॑ जु॒ष्टा । जु॒ष्टा वि॒ष्णवे॑ ।  
वि॒ष्णवे॑ त॒स्याः । त॒स्यास्ते॑ । ते स॒त्यस॑वसः । स॒त्यस॑वसः प्र॒सवे॑ ।  
स॒त्यस॑वस इति स॒त्य – स॒वसः॑ । प्र॒सवे॑ वा॒चः । प्र॒सव॑ इति  
प्र – स॒वे । वा॒चो य॒न्त्रम् । य॒न्त्रम॑शीय । अ॒शीय॑ स्वाहा । स्वाहा  
शु॒क्रम् । शु॒क्रम॑सि । अ॒स्यमृ॑तम् । अ॒मृत॑मसि । अ॒सि वै॒श्वदे॑वम् ।  
वै॒श्वदे॑व ह॒विः । वै॒श्वदे॑वमि॒ति वै॒श्व – दे॒वम् । ह॒विः सूर्य॑स्य ।  
सूर्य॑स्य चक्षुः । चक्षु॒रा । आ ऽरु॑हम् । अ॒रुह॑मग्नेः । अ॒ग्नेर॑क्ष्णः ।  
अ॒क्ष्णः क॒नीनि॑काम् । क॒नीनि॑कां य॑त् । यदे॒तशे॑भिः ।  
ए॒तशे॑भिरी॒यसे॑ । ई॒यसे॑ भ्रा॒जमा॑नः । भ्रा॒जमा॑नो वि॒पश्चि॑ता ।  
वि॒पश्चि॑ता चि॒त् । चि॒दसि॑ । अ॒सि म॒ना । म॒नाऽसि॑ । अ॒सि धीः॑ ।  
धी॒रसि॑ । अ॒सि द॑क्षिणा । द॒क्षिणा॑ऽसि । 9 (50/53)

**T.S.1.2.4.2 - kramam**

अ॒सि॒ य॒ज्ञि॒या॑ । य॒ज्ञि॒या॑ऽसि॒ । अ॒सि॒ क्ष॒त्रि॒या॑ । क्ष॒त्रि॒या॑ऽसि॒ ।  
 अ॒स्य॒दि॒तिः॑ । अ॒दि॒ति॒र॒सि॒ । अ॒स्यु॒भय॑त॒श्शी॒र्ष्णी॑ । उ॒भय॑त॒श्शी॒र्ष्णी॑ सा ।  
 उ॒भय॑त॒श्शी॒र्ष्णी॑त्यु॒भय॑तः – शी॒र्ष्णी॑ । सा नः । नः सु॒प्रा॒ची । सु॒प्रा॒ची  
 सु॒प्र॒ती॒ची । सु॒प्रा॒ची॒ति॒ सु – प्रा॒ची । सु॒प्र॒ती॒ची॒ सम् । सु॒प्र॒ती॒ची॒ति॒  
 सु – प्र॒ती॒ची॒ । सम् भव । भव मि॒त्रः । मि॒त्रस्त्वा॑ । त्वा प॒दि ।  
 प॒दि ब॒द्ध्ना॑तु । ब॒द्ध्ना॑तु पू॒षा । पू॒षा ऽद॒ध्वनः॑ । अ॒द॒ध्वनः॑ पा॒तु ।  
 पा॒त्वि॒न्द्रा॒य । इ॒न्द्रा॒याद॒ध्य॒क्षाय॑ । अ॒द॒ध्य॒क्षायानु॑ ।  
 अ॒द॒ध्य॒क्षाये॒त्यधि॑ – अ॒क्षाय॑ । अनु॒ त्वा । त्वा मा॒ता । मा॒ता म॒न्यता॑म् ।  
 म॒न्यता॑मनु॒ । अनु॒ पि॒ता । पि॒ताऽनु॑ । अनु॒ भ्रा॒ता । भ्रा॒ता स॒ग॒र्भ्यः॑ ।  
 स॒ग॒र्भ्योऽनु॑ । स॒ग॒र्भ्य इति॑ स-ग॒र्भ्यः॑ । अनु॒ स॒खा । स॒खा स॒यू॒थ्यः॑ ।  
 स॒यू॒थ्यः॑ सा । स॒यू॒थ्य इति॑ स – यू॒थ्यः॑ । सा दे॒वि । दे॒वि दे॒वम् ।  
 दे॒वम॑च्छ । अ॒च्छे॒हि । इ॒हीन्द्रा॒य । इ॒न्द्रा॒य सोम॑म् । सोम॑ रु॒द्रः ।  
 रु॒द्रस्त्वा॑ । त्वा । आ वर्त॑यतु । वर्त॑यतु मि॒त्रस्य॑ । मि॒त्रस्य॑ प॒था ।  
 प॒था स्व॑स्ति । स्व॑स्ति सोम॑स॒खा ( ) । सोम॑स॒खा पुनः॑ ।

सोम॑स॒खेति॑ सोम॑ – स॒खा । पुन॑रा । ए॒हि । इ॒हि स॒ह । स॒ह र॒य्या ।  
र॒य्येति॑ र॒य्या ॥ 10 (55/62) (दक्षि॑णा–सोम॑स॒खा–पञ्च॑ च ) (A4)

**T.S.1.2.5.1 - kramam**

व॒स्व्यसि॑ । अ॒सि रु॒द्रा । रु॒द्राऽसि॑ । अ॒स्यदि॑तिः । अ॒दि॒तिर॒सि ।  
अ॒स्यादि॑त्या । आ॒दि॒त्याऽसि॑ । अ॒सि शु॒क्रा । शु॒क्राऽसि॑ । अ॒सि च॒न्द्रा ।  
च॒न्द्राऽसि॑ । अ॒सि बृ॒हस्प॑तिः । बृ॒हस्प॑तिस्त्वा । त्वा सु॒म्ने ।  
सु॒म्ने र॑ण्वतु । र॒ण्वतु॑ रु॒द्रः । रु॒द्रो व॑सुभिः । व॑सुभि॒रा । व॑सुभि॒रिति॑  
व॑सु – भिः । आ चि॒केतु॑ । चि॒केतु॑ पृ॒थिव्याः । पृ॒थिव्या॑स्त्वा ।  
त्वा मू॒र्धन् । मू॒र्धन्ना । आ जि॒घर्मि॑ । जि॒घर्मि॑ दे॒वय॑जने । दे॒वय॑जन॒  
इ॒डायाः । दे॒वय॑जन॒ इति॑ दे॒व – य॑जने । इ॒डायाः प॒दे । प॒दे घृ॑तवति ।  
घृ॑तवति॒ स्वाहा॑ । घृ॑तवतीति॒ घृ॑त – व॒ति । स्वाहा॑ परि॒लिखि॑तम् ।  
परि॒लिखि॑त॒ रक्षः॑ । परि॒लिखि॑तमिति॒ परि – लि॒खि॑तम् ।  
रक्षः॑ परि॒लिखि॑ताः । परि॒लिखि॑ता अ॒रात॑यः । परि॒लिखि॑ता इति॒  
परि – लि॒खि॑ताः । अ॒रात॑य इ॒दम् । इ॒दम॒हम् । अ॒ह र॑क्षसः ।  
रक्ष॑सो ग्री॒वाः । ग्री॒वा अ॒पि । अ॒पि कृ॑न्तामि । कृ॑न्तामि॒ यः ।  
योऽस्मा॑न् । अ॒स्मा॑न् द्वेष्टि॑ । द्वेष्टि॑ यम् । यम् च । च व॒यम् ।

व॒यम् द्वि॒ष्मः । द्वि॒ष्म इ॒दम् । इ॒दम॒स्य । अ॒स्य ग्री॒वाः ( ) ।

ग्री॒वा अ॒पि । 11 (50/55)

**T.S.1.2.5.2 - kramam**

अ॒पि कृ॒न्ता॒मि । कृ॒न्ता॒म्य॒स्मे । अ॒स्मे रा॒यः । अ॒स्मे इ॒त्य॒स्मे ।  
रा॒य॒स्त्वे । त्वे रा॒यः । त्वे इति॑ त्वे । रा॒य॒स्तो॒ते॑ । तो॒ते रा॒यः ।  
रा॒यः स॒म् । स॒म् दे॒वि । दे॒वि दे॒व्या । दे॒व्यो॒र्व॒श्या॑ । उ॒र्व॒श्या॑ प॒श्य॒स्व ।  
प॒श्य॒स्व त्व॒ष्टी॒मती॑ । त्व॒ष्टी॒मती॑ ते । ते स॒पे॒य । स॒पे॒य सु॒रेताः॑ ।  
सु॒रेता॑ रे॒तः । सु॒रेता॑ इति॑ सु – रेताः॑ । रे॒तो द॒धाना॑ । द॒धाना॑ वी॒रम् ।  
वी॒रं वि॒दे॒य । वि॒दे॒य तव॑ । तव॑ स॒न्दृ॒शि । स॒न्दृ॒शि मा । स॒न्दृ॒शीति॑  
सं – दृ॒शि । मा॒ऽहम् । अ॒ह॒र् रा॒यः । रा॒य॒स्पो॒षेण॑ । पो॒षेण॑ वि ।  
वि यो॒षम् । यो॒षमि॒ति यो॒षम् ॥ 12 (29/33)

(अ॒स्य ग्री॒वा-ए॒कान्न॑ त्रि॒श॒च्च) (A5)

**T.S.1.2.6.1 - kramam**

अ॒शु॒ना ते । ते अ॒शुः । अ॒शुः पृ॒च्यता॑म् । पृ॒च्यता॑म् प॒रुषा॑ ।  
प॒रुषा॑ प॒रुः । प॒रुर् ग॒न्धः । ग॒न्ध॒स्ते॑ । ते का॒मम् । का॒मम॑वतु ।  
अ॒वतु॑ म॒दाय॑ । म॒दाय॑ र॒सः । र॒सो अ॒च्यु॒तः । अ॒च्यु॒तो॒ऽमा॒त्यः ।



अ॒मा॒त्यो॑ऽसि । अ॒सि शु॒क्रः । शु॒क्रस्ते॑ ॥ ते॒ ग्र॒हः । ग्र॒हो॑ऽभि ।  
 अ॒भि॒ त्यम् । त्यम् दे॒वम् । दे॒वꣳ स॒वि॒तार॑म् । स॒वि॒तार॑मू॒ण्योः ॥  
 ऊ॒ण्योः क॒वि॒क्र॒तुम् । क॒वि॒क्र॒तुम॑र्चामि । क॒वि॒क्र॒तुमि॑ति क॒वि-क्र॒तुम् ।  
 अ॒र्चामि स॒त्यस॑वसम् । स॒त्यस॑वसꣳ रत्न॒धाम् । स॒त्यस॑वसमि॒ति  
 स॒त्य - स॒वस॑म् । रत्न॒धाम॑भि । रत्न॒धामि॑ति रत्न - धाम् । अ॒भि  
 प्रि॒यम् । प्रि॒यम् म॒तिम् । म॒तिमूर्द्ध॑वा । ऊ॒र्द्ध॑वा यस्य । यस्या॒मतिः॑ ।  
 अ॒मति॑र् भाः । भा अ॒दिद्यु॑तत् । अ॒दिद्यु॑तत् स॒वीम॑नि । स॒वीम॑नि  
 हि॒र॒ण्यपा॑णिः । हि॒र॒ण्यपा॑णिरमिमीत । हि॒र॒ण्यपा॑णिरि॒ति हि॒र॒ण्य-पा॑णिः ।  
 अ॒मिमी॑त सु॒क्र॒तुः । सु॒क्र॒तुः कृ॒पा । सु॒क्र॒तुरि॑ति सु - क्र॒तुः । कृ॒पा  
 सु॒वः । सु॒व॒रि॒ति सु॒वः ॥ प्र॒जाभ्य॑स्त्वा । प्र॒जाभ्य॑ इति प्र - जाभ्यः ।  
 त्वा प्रा॒णाय॑ । प्रा॒णाय॑ त्वा । प्रा॒णाये॑ति प्र - अ॒नाय॑ । त्वा व्या॒नाय॑ ।  
 व्या॒नाय॑ त्वा । व्या॒नाये॑ति वि - अ॒नाय॑ । त्वा प्र॒जाः । प्र॒जास्त्व॑म् ।  
 प्र॒जा इति॑ प्र-जाः । त्वम॒नु ( ) । अ॒नु प्र । प्रा॑णिहि । अ॒निहि॑ प्र॒जाः ।  
 प्र॒जास्त्वाम् । प्र॒जा इति॑ प्र - जाः । त्वाम॒नु । अ॒नु प्र । प्रा॑णन्तु ।  
 अ॒न॒न्त्वित्य॑नन्तु ॥ 13 (57/67) (अ॒नु - स॒प्त च॑) (A6)

**T.S.1.2.7.1 - kramam**

सोमम् ते । ते क्रीणामि । क्रीणाम्यूर्जस्वन्तम् । ऊर्जस्वन्तम्  
 पयस्वन्तम् । पयस्वन्तं वीर्यावन्तम् । वीर्यावन्तमभिमातिषाहम् ।  
 वीर्यावन्तमिति वीर्यं – वन्तम् । अभिमातिषाहं शुक्रम् ।  
 अभिमातिषाहमित्यभिमाति – साहम् । शुक्रम् ते । ते शुक्रेण ।  
 शुक्रेण क्रीणामि । क्रीणामि चन्द्रम् । चन्द्रम् चन्द्रेण । चन्द्रेणामृतम् ।  
 अमृतममृतेन । अमृतेन सम्ययत् । सम्ययत् ते । ते गोः । गोरस्मे ।  
 अस्मे चन्द्राणि । अस्मे इत्यस्मे । चन्द्राणि तपसः । तपसस्तनूः ।  
 तनूरसि । असि प्रजापतेः । प्रजापतेर् वर्णः । प्रजापतेरिति  
 प्रजा – पतेः । वर्णस्तस्याः । तस्यास्ते । ते सहस्रपोषम् ।  
 सहस्रपोषम् पुष्यन्त्याः । सहस्रपोषमिति सहस्र – पोषम् ।  
 पुष्यन्त्याश्चरमेण । चरमेण पशुना । पशुना क्रीणामि । क्रीणाम्यस्मे ।  
 अस्मे ते । अस्मे इत्यस्मे । ते बन्धुः । बन्धुर् मयि । मयि ते ।  
 ते रायः । रायः श्रयन्ताम् । श्रयन्तामस्मे । अस्मे ज्योतिः ।  
 अस्मे इत्यस्मे । ज्योतिः सोमविक्रयिणि । सोमविक्रयिणि तमः ।  
 सोमविक्रयिणीति सोम – विक्रयिणि । तमो मित्रः । मित्रो नः ।

न॒ आ । ए॒हि । इ॒हि सु॒मित्र॑धाः । सु॒मित्र॑धा इन्द्र॑स्य । सु॒मित्र॑धा इति॑  
सु॒मित्र॑-धाः । इन्द्र॑स्यो॒रुम् ( ) । ऊ॒रुमा । आ वि॒श । वि॒श दक्षि॑णम् ।  
दक्षि॑णमु॒शन् । उ॒शन्नु॒शन्त॑म् । उ॒शन्त॑ स्यो॒नः । स्यो॒नः स्यो॒नम् ।  
स्यो॒न॑ स्वान॑ । स्वान॑ भ्राज॑ । भ्राजाङ्घा॑रे । अङ्घा॑रे ब॒म्भारे॑ ।  
ब॒म्भारे॑ ह॒स्त । ह॒स्त सु॒हस्त॑ । सु॒हस्त॑ कृ॒शानो॑ । सु॒हस्तेति॑  
सु - ह॒स्त । कृ॒शानवे॑ते । कृ॒शानवि॑ति कृ॒श - अ॒नो । ए॒ते वः॑ ।  
वः सो॒मक्र॑यणाः । सो॒मक्र॑यणा॒स्तान् । सो॒मक्र॑यणा इति॑  
सो॒म-क्र॑यणाः । तान् रक्ष॑द्ध्वम् । रक्ष॑द्ध्वम् मा । मा वः॑ । वो द॒भन् ।  
द॒भन्निति॑ द॒भन् ॥ 14 (72/84) (ऊ॒रु-द्वावि॑शतिश्च) (A7)

**T.S.1.2.8.1 - kramam**

उ॒दायु॑षा । आ॒युषा॑ स्वा॒युषा॑ । स्वा॒युषो॑त् । स्वा॒युषेति॑ सु - आ॒युषा॑ ।  
उ॒दोष॑धीनाम् । ओष॑धीना॒ रसे॑न । रसे॑नोत् । उ॒त् पर्ज॑न्यस्य ।  
पर्ज॑न्यस्य शु॒ष्मेण॑ । शु॒ष्मेणो॑त् । उ॒दस्था॑म् । अ॒स्थाम॑मृ॒तान् ।  
अ॒मृता॑ अनु॑ । अ॒न्वित्य॑नु ॥ उ॒र्वन्तरि॑क्षम् । अ॒न्तरि॑क्षम॒नु ।  
अ॒न्विहि॑ । इ॒ह्यदि॑त्याः । अ॒दि॒त्याः स॒दः । स॒दोऽसि॑ । अ॒स्यदि॑त्याः ।  
अ॒दि॒त्याः स॒दः । स॒द आ॑ । आ सी॒द । सी॒दास्त॑भ्नात् । अ॒स्तभ्ना॑द्

प्रथम काण्डे – द्वितीयः प्रश्नः – (TS 1.2)

द्याम् । द्यामृषभः । ऋषभो अन्तरिक्षम् । अन्तरिक्षममिमीत । अमिमीत  
वरिमाणम् । वरिमाणम् पृथिव्याः । पृथिव्या आ । आ ऽसीदत् ।  
असीदद् विश्वा । विश्वा भुवनानि । भुवनानि सम्राट् । सम्राड् विश्वा ।  
सम्राडिति सं – राट् । विश्वेत् । इत् तानि । तानि वरुणस्य । वरुणस्य  
व्रतानि । व्रतानि वनेषु । वनेषु वि । व्यन्तरिक्षम् । अन्तरिक्षम् ततान ।  
ततान वाजम् । वाजमर्वथ्सु । अर्वथ्सु पयः ।  
अर्वथ्स्वित्यर्वत् – सु । पयो अघ्नियासु । अघ्नियासु हथ्सु ( ) ।  
हथ्सु क्रतुम् । हथ्स्विति हत् – सु । 15 (50/54)

**T.S.1.2.8.2 - kramam**

क्रतुं वरुणः । वरुणो विक्षु । विक्ष्वग्निम् । अग्निम् दिवि । दिवि  
सूर्यम् । सूर्यमदधात् । अदधात् सोमम् । सोममद्रौ । अद्रावुत् ।  
उदु । उ त्यम् । त्यम् जातवेदसम् । जातवेदसम् देवम् ।  
जातवेदसमिति जात – वेदसम् । देवं वहन्ति । वहन्ति केतवः ।  
केतव इति केतवः ॥ दृशे विश्वाय । विश्वाय सूर्यम् । सूर्यमिति  
सूर्यम् ॥ उस्त्रावा । एतम् । इतम् धूर.षाहौ । धूर.षाहावनश्रू ।  
धूर.षाहाविति धूः – साहौ । अनश्रू अवीरहणौ । अनश्रू इत्यनश्रू ।

अवी॑रहणौ॑ ब्र॒ह्मचो॑दनौ । अवी॑रहणा॒वित्य॑वीर – ह॒नौ । ब्र॒ह्मचो॑दनौ  
वरु॑णस्य । ब्र॒ह्मचो॑दना॒विति॑ ब्र॒ह्म – चो॑दनौ । वरु॑णस्य स्क॒म्भन॑म् ।  
स्क॒म्भन॑मसि । अ॒सि वरु॑णस्य । वरु॑णस्य  
स्क॒म्भस॑र्जनम् । स्क॒म्भस॑र्जनमसि । स्क॒म्भस॑र्जनमि॒ति  
स्क॒म्भ – स॑र्जनम् । अ॒सि प्र॑त्यस्तः । प्र॑त्यस्तो वरु॑णस्य । प्र॑त्यस्त  
इति॑ प्र॒ति – अ॒स्तः । वरु॑णस्य पा॒शः । पा॒श इति॑ पा॒शः ॥ 16

(35/42) ( ह॒थ्सु-पञ्च॑त्रि॒शच्च ) (A8)

**T.S.1.2.9.1 - kramam**

प्र च्य॑वस्व । च्य॑वस्व भुवः॑ । भुव॑स्पते । प॒ते वि॒श्वा॑नि । वि॒श्वा॑न्यभि ।  
अ॒भि धा॑मानि । धा॑मानि मा । मा त्वा॑ । त्वा॑ परि॒परी॑ । परि॒परी॑ वि॒दत् ।  
परि॒परी॑ति परि – प॒री । वि॒दन्मा॑ । मा त्वा॑ । त्वा॑ परि॒पन्थि॑नः ।  
परि॒पन्थि॑नो वि॒दन् । परि॒पन्थि॑न इति॑ परि – प॒न्थि॑नः । वि॒दन्मा॑ ।  
मा त्वा॑ । त्वा॑ वृ॒काः । वृ॒का अ॒घाय॑वः । अ॒घाय॑वो मा । अ॒घाय॑व  
इत्य॑घ – यवः॑ । मा ग॒न्धर्वः॑ । ग॒न्धर्वो॑ वि॒श्वाव॑सुः । वि॒श्वाव॑सुरा ।  
वि॒श्वाव॑सुरि॒ति वि॒श्व-व॑सुः । आ द॒धत् । द॒धच्छ॑येनः । श्ये॒नो भू॑त्वा ।  
भू॑त्वा प॒रा । प॒रा प॒त । प॒त य॑जमानस्य । य॑जमानस्य नः । नो॒ गृ॒हे ।

गृ॒हे दे॒वैः । दे॒वैः स॒॒स्कृ॒तम् । स॒॒स्कृ॒तं य॑जमानस्य । यजमानस्य  
 स्व॒स्त्यय॑नी । स्व॒स्त्यय॑न्यसि । स्व॒स्त्यय॑नीति स्वस्ति – अय॑नी ।  
 अ॒स्यपि॑ । अपि॑ पन्था॒म् । पन्था॒मग॑स्महि । अ॒ग॒स्महि॑ स्वस्ति॒गाम् ।  
 स्व॒स्ति॒गाम॑नेह॒सम् । स्व॒स्ति॒गामि॑ति स्वस्ति – गा॒म् । अ॒नेह॑सं यै॒न ।  
 ये॒न वि॒श्वाः । वि॒श्वाः परि॑ । परि॑ द्विषः । द्विषो॑ वृ॒णक्ति॑ । वृ॒णक्ति॑ वि॒न्दते॑ ।  
 वि॒न्दते॑ वसु॑ । वसु॑ नमः । नमो॑ मि॒त्रस्य॑ ( ) । मि॒त्रस्य॑ वरु॒णस्य॑ ।  
 वरु॒णस्य॑ चक्ष॑से । चक्ष॑से महः । महो॑ दे॒वाय॑ । दे॒वाय॑ तत् । तदृ॒तम् ।  
 ऋ॒त॒ः स॒पर्य॑त । स॒पर्य॑त दू॒रेदृ॑शे । दू॒रेदृ॑शे दे॒वजा॑ताय । दू॒रेदृ॑श इति॑  
 दू॒रे – दृ॑शे । दे॒वजा॑ताय के॒तवे॑ । दे॒वजा॑तायेति॑ दे॒व – जा॑ताय ।  
 के॒तवे॑ दि॒वः । दि॒वस्पु॑त्राय । पु॒त्राय॑ सू॒र्याय॑ । सू॒र्याय॑ श॒स॒त ।  
 श॒स॒त वरु॒णस्य॑ । वरु॒णस्य॑ स्क॒म्भ॒नम् । स्क॒म्भ॒नम॑सि ।  
 अ॒सि वरु॒णस्य॑ । वरु॒णस्य॑ स्क॒म्भ॒सर्ज॑नम् । स्क॒म्भ॒सर्ज॑नमसि ।  
 स्क॒म्भ॒सर्ज॑नमिति॑ स्क॒म्भ – सर्ज॑नम् । अ॒स्युन्मु॑क्तः ।  
 उन्मु॑क्तो वरु॒णस्य॑ । उन्मु॑क्त इत्यु॒त् – मु॒क्तः । वरु॒णस्य॑ पा॒शः ।  
 पा॒श इति॑ पा॒शः ॥ 17 (73/83) (मि॒त्रस्य॑-त्रयो॒विंश॑तिश्च ) (A9)

**T.S.1.2.10.1 - kramam**

अ॒ग्ने॒रा॒ति॒थ्यम् । आ॒ति॒थ्य॒म॒सि । अ॒सि वि॒ष्ण॒वे । वि॒ष्ण॒वे त्वा । त्वा  
सो॒म॒स्य । सो॒म॒स्या॒ति॒थ्यम् । आ॒ति॒थ्य॒म॒सि । अ॒सि वि॒ष्ण॒वे । वि॒ष्ण॒वे  
त्वा । त्वाऽति॒थेः । अ॒ति॒थे॒रा॒ति॒थ्यम् । आ॒ति॒थ्य॒म॒सि । अ॒सि वि॒ष्ण॒वे ।  
वि॒ष्ण॒वे त्वा । त्वाऽ॒ग्नये॑ । अ॒ग्नये॑ त्वा । त्वा रा॒य॒स्पोष॒दाव्.न्ने॑ ।  
रा॒य॒स्पोष॒दाव्.न्ने॑ वि॒ष्ण॒वे । रा॒य॒स्पोष॒दाव्.न्ने॑ इति॑  
रा॒य॒स्पोष॒ - दाव्.न्ने॑ । वि॒ष्ण॒वे त्वा । त्वा श्ये॒नाय॑ । श्ये॒नाय॑ त्वा ।  
त्वा सो॒म॒भृते॑ । सो॒म॒भृते॑ वि॒ष्ण॒वे । सो॒म॒भृते॑ इति॑ सो॒म॒ - भृते॑ ।  
वि॒ष्ण॒वे त्वा । त्वा या॑ । या ते॑ । ते धा॒मानि॑ । धा॒मानि॑ ह॒विषा॑ ।  
ह॒विषा॑ यज॒न्ति । यज॒न्ति ता॑ । ता ते॑ । ते वि॒श्वा । वि॒श्वा परि॒भूः ।  
परि॒भूर॑स्तु । परि॒भूरि॑ति परि॒-भूः । अ॒स्तु य॒ज्ञम् । य॒ज्ञं ग॒य॒स्फानः॑ ।  
ग॒य॒स्फानः॑ प्र॒तर॑णः । ग॒य॒स्फान॑ इति॑ ग॒य॒ - स्फानः॑ ।  
प्र॒तर॑णः सु॒वीरः॑ । प्र॒तर॑ण इति॑ प्र॒ - तर॑णः । सु॒वीरोऽवी॑रहा ।  
सु॒वीर॑ इति॑ सु॒ - वीरः॑ । अ॒वीर॑हा प्र॒ । अ॒वीर॑हेत्य॒वीर॑ - हा ।  
प्र॒ चर॑ । च॒रा सो॒म । सो॒म दु॒र्यान् । दु॒र्यान्दि॑त्याः ।

अ॒दि॒त्याः स॒दः । स॒दोऽसि॑ । अ॒स्यदि॒त्याः । अ॒दि॒त्याः स॒दः ।

स॒द आ॑ । आ॒ सी॒द । 18 (50/57)

**T.S.1.2.10.2 - kramam**

सी॒द वरु॑णः । वरु॑णोऽसि॑ । अ॒सि धृ॑तव्रतः । धृ॑तव्रतो वारु॑णम् ।  
 धृ॑तव्रत इति॑ धृ॑त – व्रतः । वारु॑णमसि॑ । अ॒सि श॒म्योः॑ । श॒म्योर्  
 दे॒वाना॑म् । श॒म्योरि॑ति श॒म – योः॑ । दे॒वाना॑ꣳ स॒ख्यात् । स॒ख्यान्मा॑ ।  
 मा दे॒वाना॑म् । दे॒वाना॑म॒पसः॑ । अ॒पसः॑ छि॒थ्स्महि॑ । छि॒थ्स्मह्या॑पतये ।  
 आ॒पतये॑ त्वा । आ॒पतय॑ इत्या – प॒तये॑ । त्वा गृ॒ह्णामि॑ । गृ॒ह्णामि॑  
 परि॑पतये । परि॑पतये त्वा । परि॑पतय॑ इति॑ परि – प॒तये॑ । त्वा गृ॒ह्णामि॑ ।  
 गृ॒ह्णामि॑ तनू॒नप्त्रे॑ । तनू॒नप्त्रे॑ त्वा । तनू॒नप्त्र इति॑ तनू – न॒प्त्रे॑ ।  
 त्वा गृ॒ह्णामि॑ । गृ॒ह्णामि॑ शा॒क्वरा॑य । शा॒क्वरा॑य त्वा । त्वा गृ॒ह्णामि॑ ।  
 गृ॒ह्णामि॑ श॒क्मन् । श॒क्मन्नो॑जिष्ठाय । ओजि॑ष्ठाय त्वा । त्वा गृ॒ह्णामि॑ ।  
 गृ॒ह्णाम्य॑नाधृष्टम् । अ॒नाधृष्ट॑मसि॑ । अ॒नाधृष्ट॑मित्य॒ना – धृष्ट॑म् ।  
 अ॒स्यना॑धृष्यम् । अ॒नाधृष्य॑म् दे॒वाना॑म् । अ॒नाधृष्य॑मित्य॒ना – धृष्य॑म् ।  
 दे॒वाना॑मो॒जः । ओजो॑ऽभि॒शस्ति॑पाः । अ॒भि॒शस्ति॑पा अ॒नभि॑शस्ते॒न्यम् ।  
 अ॒भि॒शस्ति॑पा इत्य॑भि॒शस्ति॑ – पाः । अ॒नभि॑शस्ते॒न्यम॑नु ।



अ॒न॒भि॒श॒स्ते॒न्य॒मि॒त्य॒न॒भि॒ – श॒स्ते॒न्य॒म् । अ॒नु॒ मे॒ । मे॒ दी॒क्षाम् ।  
 दी॒क्षाम् दी॒क्षा॒प॒तिः॑ । दी॒क्षा॒प॒तिर् म॒न्य॒ताम् । दी॒क्षा॒प॒ति॒रि॒ति  
 दी॒क्षा – प॒तिः॑ । म॒न्य॒ता॒म॒नु॒ । अ॒नु॒ तपः॑ । तप॒स्तप॑स्पतिः ।  
 तप॒स्पति॑रञ्जसा । तप॒स्पति॑रि॒ति तपः॑ – प॒तिः॑ । अ॒ञ्ज॒सा स॒त्यम् ।  
 स॒त्य॒मु॒प॒ । उ॒प॒ गे॒षम् । गे॒ष॒ सु॒वि॒ते॒ । सु॒वि॒ते॒ मा॒ ( ) । मा॒ धाः॑ ।  
 धा॒ इति॑ धाः ॥ 19 (51/62) (अ॒मै-कं॑ च ) (A10)

**T.S.1.2.11.1 - kramam**

अ॒ञ्शु॒रञ्शु॒स्ते॒ । अ॒ञ्शु॒रञ्शु॒रि॒त्यञ्शुः॑ – अ॒ञ्शुः॑ । ते॒ दे॒व । दे॒व  
 सो॒म । सो॒मा । आ॒ प्या॒य॒ताम् । प्या॒य॒ता॒मि॒न्द्राय॑ । इ॒न्द्रायै॑क॒धन॑विदे ।  
 ए॒क॒धन॑विद आ । ए॒क॒धन॑विद इत्ये॒क॒धन॑ – विदे॑ । आ॒ तु॒भ्यम् ।  
 तु॒भ्यमि॑न्द्रः । इ॒न्द्रः प्या॒य॒ताम् । प्या॒य॒ता॒ मा॒ । आ॒ त्वम् । त्वमि॑न्द्राय ।  
 इ॒न्द्राय॑ प्या॒य॒स्व । प्या॒य॒स्वा । आ॒ प्या॒य॒य । प्या॒य॒य स॒खीन् ।  
 स॒खीन्त् स॒न्या । स॒न्या मे॒धया॑ । मे॒धया॑ स्व॒स्ति । स्व॒स्ति ते॑ ।  
 ते॒ दे॒व । दे॒व सो॒म । सो॒म सु॒त्याम् । सु॒त्याम॑शीय । अ॒शीयेष्टः॑ ।  
 ए॒ष्टा रा॒यः॑ । रा॒यः प्र॑ । प्रे॒षे । इ॒षे भ॒गाय॑ । भ॒गाय॑र्तम् ।  
 ऋ॒त॒मृ॒तवा॑दिभ्यः । ऋ॒त॒वा॒दि॒भ्यो नमः॑ ।

## प्रथम काण्डे – द्वितीयः प्रश्नः – (TS 1.2)

ऋ॒त॒वा॒दि॒भ्य॒ इ॒त्यृ॒त॒वा॒दि॒ – भ्यः॑ । न॒मो॑ दि॒वे । दि॒वे न॒मः॑ ।  
न॒मः॑ पृ॒थि॒व्यै । पृ॒थि॒व्या अ॒ग्ने॑ । अ॒ग्ने॑ व्र॒त॒प॒ते । व्र॒त॒प॒ते त्व॒म् ।  
व्र॒त॒प॒त इति॑ व्र॒त – प॒ते । त्वं व्र॒ता॒ना॒म् । व्र॒ता॒नां व्र॒त॒प॒तिः॑ ।  
व्र॒त॒प॒ति॒र॒सि॑ । व्र॒त॒प॒ति॒रि॒ति॑ व्र॒त – प॒तिः॑ । अ॒सि॒ या॑ । या॒ म॒म॑ ।  
म॒म॑ त॒नूः॑ । त॒नू॒रे॒षा॑ । ए॒षा सा॑ । सा त्वयि॑ ( ) ।

त्वयि॑ या । 20 (50/55)

### T.S.1.2.11.2 - kramam

या तव॑ । तव॑ त॒नूः॑ । त॒नू॒रि॒य॒म् । इ॒य॒ꣳ सा॑ । सा मयि॑ । मयि॑ स॒ह॒ ।  
स॒ह नौ॑ । नौ॑ व्र॒त॒प॒ते । व्र॒त॒प॒ते व्र॒ति॒नौः॑ । व्र॒त॒प॒त इति॑ व्र॒त – प॒ते॑ ।  
व्र॒ति॒नौ॒र् व्र॒ता॒नि॑ । व्र॒ता॒नि॒ या॑ । या ते॑ । ते अ॒ग्ने॑ । अ॒ग्ने॑ रु॒द्रि॒या॑ ।  
रु॒द्रि॒या॑ त॒नूः॑ । त॒नू॒स्त॒या॑ । त॒या नः॑ । नः॑ पा॒हि॒ । पा॒हि॒ त॒स्याः॑ ।  
त॒स्या॒स्ते॑ । ते स्वा॒हा॑ । स्वा॒हा॒ या॑ । या ते॑ । ते अ॒ग्ने॑ । अ॒ग्ने॒ऽया॒श॒या॑ ।  
अ॒या॒श॒या॑ र॒जा॒श॒या॑ । अ॒या॒श॒ये॒त्य॒या॑ – श॒या॑ । र॒जा॒श॒या॑ ह॒रा॒श॒या॑ ।  
र॒जा॒श॒ये॒ति॑ र॒जा – श॒या॑ । ह॒रा॒श॒या॑ त॒नूः॑ । ह॒रा॒श॒ये॒ति॑ ह॒रा – श॒या॑ ।  
त॒नू॒र् व॒र्षि॒ष्ठा॑ । व॒र्षि॒ष्ठा॑ ग॒ह्व॒रे॒ष्टा॑ । ग॒ह्व॒रे॒ष्टो॒ग्र॒म् ।  
ग॒ह्व॒रे॒ष्टे॒ति॑ ग॒ह्व॒रे – स्था॑ । उ॒ग्रं व॑चः । व॒चो॑ अ॒प॒ । अ॒पा॒व॒धी॒म् ।

अ॒व॒धी॒म् त्वे॒षम् । त्वे॒षं व॑चः । व॒चो अप॑ । अ॒पाव॑धीम् ।

अ॒व॒धी॒ ७ स्वा॒हा ॥ स्वा॒हेति॑ स्वा॒हा ॥ 21 (40/45)

( त्वयि॑-च॒त्वारि॑ ७ श॒च्च ) (A11)

**T.S.1.2.12.1 - kramam**

वि॒त्ताय॑नी मे । वि॒त्ताय॑नीति॑ वि॒त्त - अ॑यनी । मे॒ऽसि॒ । अ॒सि॒  
ति॒क्ताय॑नी । ति॒क्ताय॑नी मे । ति॒क्ताय॑नीति॑ ति॒क्त - अ॑यनी । मे॒ऽसि॒ ।  
अ॒स्यव॑तात् । अ॒वता॑न्मा । मा॒ ना॒थि॒तम् । ना॒थि॒तम॑वतात् । अ॒वता॑न्मा ।  
मा॒ व्य॒थि॒तम् । व्य॒थि॒तं वि॑देः । वि॒देर॒ग्निः । अ॒ग्निर् न॑भः ।  
न॒भो ना॑म । ना॒माग्ने॑ । अ॒ग्ने अ॒ङ्गि॒रः । अ॒ङ्गि॒रो यः । यो॑ऽस्याम् ।  
अ॒स्याम् पृ॒थि॒व्याम् । पृ॒थि॒व्याम॑सि । अ॒स्यायु॑षा । आ॒युषा॑ ना॒म्ना ।  
ना॒म्ना । ए॒हि । इ॒हि यत् । यत्ते॑ । ते॒ऽना॑धृष्टम् । अ॒ना॑धृष्टम् ना॑म ।  
अ॒ना॑धृष्टमि॒त्यना॑ - धृष्टम् । ना॑म य॒ज्ञि॒यम् । य॒ज्ञि॒यम् ते॑न । ते॑न त्वा ।  
त्वा । आ॒ द॒धे । द॒धेऽग्ने॑ । अ॒ग्ने अ॒ङ्गि॒रः । अ॒ङ्गि॒रो यः ।  
यो द्वि॒तीय॑स्याम् । द्वि॒तीय॑स्याम् तृ॒तीय॑स्याम् । तृ॒तीय॑स्याम् पृ॒थि॒व्याम् ।  
पृ॒थि॒व्याम॑सि । अ॒स्यायु॑षा । आ॒युषा॑ ना॒म्ना । ना॒म्ना । ए॒हि ।

इ॒हि यत् । यत्ते॑ । ते॒ऽना॒धृष्ट॑म् । अना॒धृष्ट॑म् नाम ।

अना॒धृष्ट॑मित्यना॑ – धृष्ट॑म् । नाम॑ य॒ज्ञिय॑म् । 22 (50/54)

**T.S.1.2.12.2 - kramam**

य॒ज्ञिय॑म् तेन॑ । तेन॑ त्वा । त्वा । आ द॒धे । द॒धे सि॒न्हीः ।

सि॒न्हीर॑सि । अ॒सि म॒हिषीः॑ । म॒हिषीर॑सि । अ॒स्युरु॑ । उ॒रु प्र॑थस्व ।

प्र॒थस्वो॑रु । उ॒रु ते॑ । ते य॒ज्ञप॑तिः । य॒ज्ञप॑तिः प्रथताम् । य॒ज्ञप॑तिरिति॑

य॒ज्ञ – प॑तिः । प्रथताम् ध्रु॒वा । ध्रु॒वाऽसि॑ । अ॒सि दे॒वेभ्यः॑ । दे॒वेभ्यः॑

शु॒न्धस्व॑ । शु॒न्धस्व॑ दे॒वेभ्यः॑ । दे॒वेभ्यः॑ शु॒म्भस्व॑ । शु॒म्भस्वेन्द्र॑घोषः ।

इन्द्र॑घोषस्त्वा । इन्द्र॑घोष इतीन्द्र॑ – घोषः । त्वा वसु॑भिः । वसु॑भिः

पु॒रस्ता॑त् । वसु॑भिरिति॑ वसु॑-भिः । पु॒रस्ता॑त् पातु॑ । पातु॑ मनो॑जवाः ।

मनो॑जवास्त्वा । मनो॑जवा इति॑ मनः – ज॒वाः । त्वा पि॒तृभिः॑ ।

पि॒तृभिर् दक्षि॑णतः । पि॒तृभिरिति॑ पि॒तृ – भिः॑ । दक्षि॑णतः पातु॑ ।

पातु॑ प्रचे॑ताः । प्रचे॑तास्त्वा । प्रचे॑ता इति॑ प्र – चे॒ताः । त्वा रु॒द्रैः ।

रु॒द्रैः प॒श्चात् । प॒श्चात् पातु॑ । पातु॑ वि॒श्वकर्मा॑ । वि॒श्वकर्मा॑ त्वा ।

वि॒श्वकर्मे॑ति॑ वि॒श्व – कर्मा॑ । त्वाऽऽदि॒त्यैः । आदि॒त्यैरु॑त्तरतः ।

उ॒त्तर॑तः पातु॑ । उ॒त्तर॑त इत्यु॑त् – त॒रतः॑ । पातु॑ सि॒न्हीः ।

सि॒॒हीर॑सि । अ॒सि स॒प॒न्नसा॑ही । स॒प॒न्नसा॑ही स्वाहा ॥  
 स॒प॒न्नसा॑हीति स॒प॒न्न – सा॑ही । स्वाहा सि॒॒हीः । सि॒॒हीर॑सि ।  
 अ॒सि सु॒प्रजा॑वनिः । सु॒प्रजा॑वनिः स्वाहा ॥  
 सु॒प्रजा॑वनिरिति सु॒प्रजा – वनिः । स्वाहा सि॒॒हीः ( ) ।  
 सि॒॒हीर॑सि । 23 (50/60)

**T.S.1.2.12.3 - kramam**

अ॒सि रा॒यस्पो॑षवनिः । रा॒यस्पो॑षवनिः स्वाहा ॥ रा॒यस्पो॑षवनिरिति  
 रा॒यस्पो॑ष – वनिः । स्वाहा सि॒॒हीः । सि॒॒हीर॑सि ।  
 अ॒स्यादि॒त्यव॑निः । आ॒दि॒त्यव॑निः स्वाहा ॥  
 आ॒दि॒त्यव॑निरित्यादि॒त्य – वनिः । स्वाहा सि॒॒हीः । सि॒॒हीर॑सि ।  
 अ॒स्या । आ॒ वह॑ । वह॑ दे॒वान् । दे॒वान् दे॑वयते । दे॒वय॑ते यज॑मानाय ।  
 दे॒वय॑त इति दे॒व – य॑ते । यज॑मानाय स्वाहा ॥ स्वाहा भू॒तेभ्यः॑ ।  
 भू॒तेभ्य॑स्त्वा । त्वा वि॒श्वायुः॑ । वि॒श्वायु॑रसि ।  
 वि॒श्वायु॑रिति वि॒श्व – आ॒युः । अ॒सि पृ॒थि॒वीम् । पृ॒थि॒वीम् दृ॒ह ।  
 दृ॒ह ध्रु॒वक्षि॑त् । ध्रु॒वक्षि॑दसि । ध्रु॒वक्षि॑दिति ध्रु॒व – क्षि॑त् ।  
 अ॒स्यन्त॑रिक्षम् । अ॒न्त॑रिक्षम् दृ॒ह । दृ॒हाच्यु॑तक्षि॒त् ।

अ॒च्यु॒तक्षि॒दसि॑ । अ॒च्यु॒तक्षि॒दित्य॑च्युत – क्षि॒त् । अ॒सि॒ दि॒वम् ।  
 दि॒वम् दृ॒ह । दृ॒हाग्नेः॑ । अ॒ग्नेर् भ॒स्म । भ॒स्मा॒सि । अ॒स्य॒ग्नेः ।  
 अ॒ग्नेः पु॒रीष॑म् । पु॒रीष॑मसि । अ॒सीत्य॑सि ॥ 24 (35/41)

(नाम॑-सुप्रजा॒वनिः॑ स्वाहा॑ सि॒न्हीः-पञ्च॑त्रि॒ंशच्च॑ ) (A12)

**T.S.1.2.13.1 - kramam**

यु॒ञ्जते॑ मनः । मन॑ उ॒त । उ॒त यु॒ञ्जते॑ । यु॒ञ्जते॑ धि॒यः ।  
 धि॒यो वि॒प्राः । वि॒प्रा वि॒प्रस्य॑ । वि॒प्रस्य॑ बृ॒हतः॑ । बृ॒हतो॑ वि॒पश्चि॑तः ।  
 वि॒पश्चि॑त इति॑ वि॒पश्चि॑तः ॥ वि॒ हो॒त्राः । हो॒त्रा द॒धे । द॒धे व॒युना॑वित् ।  
 व॒युना॑विदेकः । व॒युना॑विदिति॑ व॒युन – वि॒त् । ए॒क इ॒त् । इ॒न्म॒ही ।  
 म॒ही दे॒वस्य॑ । दे॒वस्य॑ स॒वितुः॑ । स॒वितुः॑ परि॒ष्टुतिः॑ । परि॒ष्टुति॑रिति॑  
 परि॑ – स्तु॒तिः ॥ सु॒वाग् दे॒व । सु॒वागि॑ति सु – वाक् । दे॒व दु॒र्यान् ।  
 दु॒र्या॒ आ । आ व॒द । व॒द दे॒वश्रु॑तौ । दे॒वश्रु॑तौ दे॒वेषु॑ ।  
 दे॒वश्रु॑ता॒विति॑ दे॒व – श्रु॑तौ । दे॒वेष्वा । आ घो॑षेथाम् । घो॑षेथामा ।  
 आ नः॑ । नो॒ वी॒रः । वी॒रो जा॑यताम् । जा॑यताम् क॒र्मण्यः॑ ।  
 क॒र्मण्यो॑ यम् । य॒ सर्वे॑ । सर्वे॑ऽनु॒जीवा॑म । अनु॒जीवा॑म यः ।  
 अनु॒जीवा॑मेत्यनु – जी॒वाम् । यो ब॒हूना॑म् । ब॒हूना॑मसत् । अ॒सद्व॒शी ।

व॒शीति॑ व॒शी ॥ इ॒दं वि॑ष्णुः । वि॒ष्णुर्वि॑ । वि च॒क्रमे॑ । च॒क्रमे॑ त्रे॒धा ।  
 त्रे॒धा नि॑ । नि द॒धे । द॒धे प॒दम् । प॒दमि॑ति प॒दम् ॥ समू॑ढमस्य ।  
 समू॑ढमि॒ति सं - ऊ॒ढम् । अ॒स्य पा॒ञ्च॒सुरे॑ । 25 (50/55)

**T.S.1.2.13.2 - kramam**

पा॒ञ्च॒सुर॑ इ॒राव॑ती । इ॒राव॑ती धे॒नुम॑ती । इ॒राव॑ती इ॒तीरा॑ - व॒ती ।  
 धे॒नुम॑ती हि । धे॒नुम॑ती इति॑ धे॒नु - म॑ती । हि भू॒तम् । भू॒तञ्  
 सू॒यव॑सिनी॑ । सू॒यव॑सिनी॒ मन॑वे । सू॒यव॑सिनी॒ इति॑ सु - य॒वसि॑नी॑ ।  
 मन॑वे य॒शस्ये॑ । य॒शस्ये॑ इति॑ य॒शस्ये॑ ॥ व्य॑स्क॒भ्नात् । अ॒स्क॒भ्नाद्  
 रो॒दसी॑ । रो॒दसी॑ वि॒ष्णुः । रो॒दसी॑ इति॑ रो॒दसी॑ । वि॒ष्णुरे॑ते ।  
 ए॒ते दा॑धार । ए॒ते इत्ये॑ते । दा॑धार पृ॒थि॒वीम् । पृ॒थि॒वीम॑भितः ।  
 अ॒भितो॑ म॒यूखैः॑ । म॒यूखै॑रिति॑ म॒यूखैः॑ ॥ प्रा॒ची प्र॑ ।  
 प्रा॒ची इति॑ प्रा॒ची । प्रे॒तम् । इ॒तम॑द॒ध्वर॑म् । अ॒द॒ध्वर॑म् क॒ल्पय॑न्ती ।  
 क॒ल्पय॑न्ती ऊ॒र्ध्वम् । क॒ल्पय॑न्ती इति॑ क॒ल्पय॑न्ती । ऊ॒र्ध्वं य॑ज्ञम् ।  
 य॑ज्ञं न॒यत॑म् । न॒यत॑म् मा । मा जी॒ह्वर॑तम् । जी॒ह्वर॑तम॒त्र ।  
 अ॒त्र रमे॑थाम् । रमे॑थां व॒र्ष्मन् । व॒र्ष्मन् पृ॒थि॒व्याः । पृ॒थि॒व्या दि॒वः ।

दिवो॑ वा॑ । वा॑ वि॒ष्णो॑ । वि॒ष्णवु॑त । उ॒त वा॑ । वा॑ पृ॒थि॒व्याः॑ । पृ॒थि॒व्या  
म॒हः । म॒हो वा॑ । वा॑ वि॒ष्णो॑ । वि॒ष्णवु॑त । उ॒त वा॑ । वा॑ऽन्तरि॑क्षात् ।  
अ॒न्तरि॑क्षा॒द्धस्तौ॑ । ह॒स्तौ पृ॑णस्व । पृ॒णस्व॑ ब॒हुभिः॑ ।  
ब॒हुभिर् वस॑व्यैः । ब॒हुभि॑रिति॒ ब॒हु – भिः॑ । वस॑व्यैरा । आ प्र ।  
प्र यच्छ॑ ( ) । यच्छ॑ दक्षि॒णात् । 26 (50/58)

**T.S.1.2.13.3 - kramam**

दक्षि॑णादा । ओ॒त । उ॒त स॒व्यात् । स॒व्यादि॑ति स॒व्यात् ॥ वि॒ष्णोर् नु॑कम् ।  
नु॑कं वी॒र्या॑णि । वी॒र्या॑णि प्र । प्र वो॑चम् । वो॒चं यः॑ । यः पा॒र्थि॒वानि॑ ।  
पा॒र्थि॒वानि॑ वि॒ममे॑ । वि॒ममे॑ रजा॑सि । वि॒मम॑ इति॒ वि – म॒मे ।  
रजा॑सि यः । यो अ॒स्क॒भाय॑त् । अ॒स्क॒भाय॑दु॒त्तर॑म् ।  
उ॒त्तर॑स॒धस्थ॑म् । उ॒त्तर॑मि॒त्युत् – त॒रम् । स॒धस्थं॑ वि॒चक्र॑माणः ।  
स॒धस्थ॑मि॒ति स॒ध – स्थ॑म् । वि॒चक्र॑माणस्त्रे॒धा । वि॒चक्र॑माण  
इति॒ वि – च॑क्र॒माणः॑ । त्रे॒धो॒रुगा॑यः । उ॒रुगा॑यो वि॒ष्णोः॑ । उ॒रुगा॑य  
इ॒त्यु॒रु – गा॑यः । वि॒ष्णो र॒राट॑म् । र॒राट॑म॒सि । अ॒सि वि॒ष्णोः॑ । वि॒ष्णोः॑  
पृ॒ष्ठम् । पृ॒ष्ठम॑सि । अ॒सि वि॒ष्णोः॑ । वि॒ष्णोः॑ इ॒ज॒प्त्रे॑ । इ॒ज॒प्त्रे॑ स्थः ।



ॠज॒प्त्रे इति॑ ॠज॒प्त्रे । स्थो॑ वि॒ष्णोः॑ । वि॒ष्णोः॑ स्यूः । स्यू॑रसि । अ॒सि  
वि॒ष्णोः॑ । वि॒ष्णो॑ ध्रु॒वम् । ध्रु॒वम॑सि । अ॒सि वै॒ष्णव॑म् । वै॒ष्णव॑मसि ।  
अ॒सि वि॒ष्णवे॑ । वि॒ष्णवे॑ त्वा । त्वेति॑ त्वा ॥ 27 (39/45)

( अ॒स्य-य॒च्छै-का॒न्नच॑त्वा॒रि॒ञ्च॑ ) (A13)

**T.S.1.2.14.1 - kramam**

कृ॒णु॒ष्व पा॒जः । पा॒जः प्र॑सि॒तिम् । प्र॑सि॒तिम् न । प्र॑सि॒तिमि॒ति  
प्र - सि॒तिम् । न पृ॒थ्वी॑म् । पृ॒थ्वींँ या॒हि । या॒हि रा॒जा । रा॒जेव॑ ।  
इ॒वाम॑वा॒न् । अ॒मवा॑ञ् इ॒भेन॑ । अ॒मवा॑नित्य॒म - वा॒न् । इ॒भेने॑ती॒भेन॑ ॥  
तृ॒ष्वीम॑नु । अ॒नु प्र॑सि॒तिम् । प्र॑सि॒तिम् दू॒णानः॑ । प्र॑सि॒तिमि॒ति  
प्र - सि॒तिम् । दू॒णानो॑ऽस्ता । अ॒स्ताऽसि॑ । अ॒सि वि॒द्ध्य ।  
वि॒द्ध्य र॒क्षसः॑ । र॒क्षस॑स्तपि॒ष्ठैः । तपि॑ष्ठैरि॒ति तपि॑ष्ठैः ॥ तव॑ भ्र॒मासः॑ ।  
भ्र॒मास॑ आ॒शुया॑ । आ॒शुया॑ पत॒न्ति । प॒तन्त्य॑नु । अ॒नु स्पृ॒श ।  
स्पृ॒श धृ॒षता॑ । धृ॒षता॑ शो॒शुचा॑नः । शो॒शुचा॑न इति॑ शो॒शुचा॑नः ॥  
तपू॑ष्य॒ग्ने । अ॒ग्ने जु॒ह्वा । जु॒ह्वा प॒तङ्गान्॑ । प॒तङ्गान॑स॒न्दितः॑ ।  
अ॒स॒न्दितो॑ वि । अ॒स॒न्दित॑ इत्य॒सं-दि॒तः । वि सृ॒ज । सृ॒ज वि॒ष्वक् ।  
वि॒ष्वगु॑ल्काः । उ॒ल्का इत्यु॑ल्काः ॥ प्र॒ति स्पृ॒शः । स्पृ॒शो वि॑ ।

वि॒ सृ॒ज । सृ॒ज तू॒र्णित॑मः । तू॒र्णित॑मो॒ भव॑ । तू॒र्णित॑म॒ इति॒  
तू॒र्णि – त॒मः । भ॒वा पा॒युः । पा॒युर् वि॒शः । वि॒शो अ॒स्याः ।  
अ॒स्या अ॒दब्धः॑ । अ॒दब्ध॑ इ॒त्यद॑ब्धः ॥

यो नः॑ । नो॒ दू॒रे । दू॒रे अ॒घश॑ऽसः । अ॒घश॑ऽसो॒ यः ।

अ॒घश॑ऽस इ॒त्यघ॑ – श॒ऽसः । 28 (50/56)

**T.S.1.2.14.2 - kramam**

यो अ॒न्ति । अ॒न्त्यग्ने॑ । अ॒ग्ने मा॒किः । मा॒किष्टे॑ । ते॒ व्य॒थिः । व्य॒थिरा॑ ।  
आ द॒धर्षी॑त् । द॒धर्षी॑दिति द॒धर्षी॑त् ॥ उ॒दग्ने॑ । अ॒ग्ने तिष्ठ॑ ।  
तिष्ठ॑ प्र॒ति । प्र॒त्या । आ त॒नुष्व॑ । त॒नुष्व॑ नि । न्य॒मित्रा॑न् । अ॒मित्रा॑ऽ  
ओष॑तात् । ओष॑तात् ति॒ग्महे॑ते । ति॒ग्महे॑त इति ति॒ग्म – हे॑ते ॥  
यो नः॑ । नो॒ अ॒राति॑म् । अ॒राति॑ऽस॒मिधा॑न । स॒मिधा॑न च॒क्रे ।  
स॒मिधा॑नेति सं – इ॒धान॑ । च॒क्रे नी॒चा । नी॒चा त॒म् । त॒म् ध॒क्षि ।  
ध॒क्ष्यत॑सम् । अ॒तस॑न्न । न शु॒ष्कम्॑ । शु॒ष्कमि॑ति शु॒ष्कम्॑ ॥  
ऊ॒र्ध्वो भ॑व । भ॒व प्र॒ति । प्र॒ति वि॒द्ध्य॑ । वि॒द्ध्याधि॑ । अ॒द्ध्यस्म॑त् ।  
अ॒स्मदा॑विः । आ॒विष्कृ॑णुष्व । कृ॒णुष्व॑ दै॒व्यानि॑ ।  
दै॒व्या॒न्यग्ने॑ । अ॒ग्ने इ॒त्यग्ने॑ ॥

अ॒व॒ स्थि॒रा । स्थि॒रा त॒नुहि॑ । त॒नुहि॑ या॒तुज॑नाम् । या॒तुज॑नाम्  
जा॒मिम् । जा॒मिम॑जा॒मिम् । अ॒जा॒मिम् प्र॑ । प्र॑ मृ॒णीहि॑ । मृ॒णीहि॑ श॒त्रून् ।  
श॒त्रूनि॑ति॒ श॒त्रून् ॥ स ते॑ । ते जा॒नाति॑ । 29 (50/51)

**T.S.1.2.14.3 - kramam**

जा॒नाति॑ सु॒मति॑म् । सु॒मतिं॑ य॒विष्ठ॑ । सु॒मति॑मि॒ति सु॑ - म॒तिम् ।  
य॒विष्ठ॑ यः । य ई॒वते॑ । ई॒वते॑ ब्र॒ह्मणे॑ । ब्र॒ह्मणे॑ गा॒तुम् । गा॒तुमै॑रत् ।  
ऐ॒रदि॒त्यैर॑त् ॥ वि॒श्वा॒न्यस्मै॑ । अ॒स्मै सु॒दिना॑नि । सु॒दिना॑नि रा॒यः ।  
सु॒दिना॑नीति॒ सु॑ - दि॒नानि॑ । रा॒यो द्यु॒म्नानि॑ । द्यु॒म्ना॒न्य॒र्यः । अ॒र्यो वि॑ ।  
वि दुरः॑ । दुरो॑ अ॒भि । अ॒भि द्यौ॑त् । द्यौ॒दिति॑ द्यौ॑त् ॥ सेत् । इ॒दग्ने॑ ।  
अ॒ग्ने अ॒स्तु । अ॒स्तु सु॒भगः॑ । सु॒भगः॑ सु॒दानुः॑ । सु॒भग॑ इति॑  
सु॑ - भ॒गः । सु॒दानु॑र् यः । सु॒दानु॑रिति॒ सु॑ - दा॒नुः । यस्त्वा॑ ।  
त्वा नि॒त्येन॑ । नि॒त्येन॑ ह॒विषा॑ । ह॒विषा॑ यः । य उ॒क्थैः॑ ।  
उ॒क्थैरि॒त्यु॒क्थैः॑ ॥ पि॒प्री॑षति॒ स्वे । स्व॑ आ॒युषि॑ । आ॒युषि॑ दुरो॒णे ।  
दुरो॒णे वि॒श्वा॑ । दुरो॒ण इति॑ दुः - ओ॒ने । वि॒श्वेत् । इ॒दस्मै॑ ।  
अ॒स्मै सु॒दिना॑ । सु॒दिना॑ सा । सु॒दिने॑ति॒ सु॒-दिना॑ । साऽस॑त् ।  
अ॒सदि॒ष्टिः । इ॒ष्टि॒रिती॒ष्टिः ॥ अ॒र्चामि॑ ते । ते सु॒मति॑म् ।

सु॒म॒ति॒म् घो॒षि॑ । सु॒म॒ति॒मि॒ति सु॒ – म॒ति॒म् । घो॒ष्य॒र्वाक् ।

अ॒र्वा॒ख् स॒म् । स॒म् ते॑ ॥ ते॒ वा॒वा॒ता॑ । वा॒वा॒ता॑ ज॒रता॑म् ।

ज॒रता॑मि॒यम् । 30 (50/57)

**T.S.1.2.14.4 - kramam**

इ॒यम् गीः॑ । गी॒रि॒ति गीः॑ ॥ स्व॒श्वा॒स्ता॑ । स्व॒श्वा॒ इति॑ सु॒ – अ॒श्वाः॑ ॥

त्वा सु॒रथाः॑ ॥ सु॒रथा॑ म॒र्जये॑म । सु॒रथा॑ इति॑ सु॒ – रथाः॑ ॥

म॒र्जये॑मा॒स्मे । अ॒स्मे क्ष॒त्राणि॑ । अ॒स्मे इत्य॑स्मे । क्ष॒त्राणि॑ धा॒रयेः॑ ।

धा॒रये॑रनु॒ । अनु॒ द्यून् । द्यू॒नि॒ति द्यून् ॥ इ॒ह त्वा॑ । त्वा भू॒रि॑ । भू॒र्या ।

आ च॑रेत् । च॒रेदु॑प । उ॒प त्मन् । त्मन् दो॒षाव॑स्तः । दो॒षाव॑स्तर्

दी॒दि॒वाꣳस॑म् । दो॒षाव॑स्तरि॒ति दो॒षा – व॒स्तः॑ । दी॒दि॒वाꣳस॑मनु॒ ।

अनु॒ द्यून् । द्यू॒नि॒ति द्यून् ॥ क्री॒डन्त॑स्त्वा । त्वा सु॒मन॑सः ।

सु॒मन॑सः स॒पे॒म । सु॒मन॑स इति॑ सु॒ – म॒नसः॑ । स॒पे॒माभि॑ ।

अ॒भि द्यु॒म्ना । द्यु॒म्ना त॒स्थि॒वाꣳसः॑ । त॒स्थि॒वाꣳसो॑ ज॒नाना॑म् ।

ज॒नाना॑मि॒ति ज॒नाना॑म् ॥ य॒स्त्वा । त्वा स्व॒श्चः॑ । स्व॒श्चः॑ सु॒हि॒र॒ण्यः॑ ।

स्व॒श्च इति॑ सु॒ – अ॒श्चः॑ । सु॒हि॒र॒ण्यो अ॒ग्ने ।

सु॒हि॒र॒ण्य इति॑ सु॒ – हि॒र॒ण्यः॑ । अ॒ग्न उ॒पया॑ति । उ॒पया॑ति व॒सु॒मता॑ ।

उ॒प॒या॒ती॒त्यु॒प – या॒ति । व॒सु॒म॒ता र॒थे॒न । व॒सु॒म॒ते॒ति व॒सु – म॒ता ।  
 र॒थे॒ने॒ति र॒थे॒न ॥ त॒स्य॒ त्रा॒ता । त्रा॒ता भ॒व॒सि । भ॒व॒सि त॒स्य ।  
 त॒स्य स॒खा । स॒खा यः । य॒स्ते । त आ॒ति॒थ्य॒म् । आ॒ति॒थ्य॒मा॒नु॒षक् ।  
 आ॒नु॒षग् जु॒जो॒षत् । जु॒जो॒ष॒दि॒ति जु॒जो॒षत् ॥ म॒हो रु॒जामि॑ ।

रु॒जामि॑ ब॒न्धु॒ता ॥ 31 (50/59)

**T.S.1.2.14.5 - kramam**

ब॒न्धु॒ता व॒चो॒भिः । व॒चो॒भि॒स्तत् । व॒चो॒भि॒रि॒ति व॒चः – भिः । त॒न्मा ॥  
 मा पि॒तुः । पि॒तुर् गो॒त॒मात् । गो॒त॒मा॒दनु॑ । अ॒न्वि॒याय॑ । इ॒या॒ये॒ती॒याय॑ ॥  
 त्व॒न्नः । नो अ॒स्य । अ॒स्य व॒च॒सः । व॒च॒स॒श्चि॒कि॒द्धि । चि॒कि॒द्धि  
 हो॒तः । हो॒तर् य॒वि॒ष्ठ । य॒वि॒ष्ठ सु॒क्र॒तो । सु॒क्र॒तो द॒मू॒नाः । सु॒क्र॒तो  
 इति॑ सु – क्र॒तो । द॒मू॒ना इति॑ द॒मू॒नाः ॥ अ॒स्व॒प्न॒ज स्त॒र॒ण॒यः ।  
 अ॒स्व॒प्न॒ज इ॒त्य॒स्व॒प्न॒जः । त॒र॒ण॒यः सु॒शे॒वाः । सु॒शे॒वा अ॒त॒न्द्रा॒सः ।  
 सु॒शे॒वा इति॑ सु – शे॒वाः । अ॒त॒न्द्रा॒सोऽवृ॒काः । अ॒वृ॒का अ॒श्र॒मि॒ष्ठाः ।  
 अ॒श्र॒मि॒ष्ठा इ॒त्य॒श्र॒मि॒ष्ठाः ॥ ते पा॒य॒वः । पा॒य॒वः स॒द्धि॒य॒ञ्चः ।  
 स॒द्धि॒य॒ञ्चो नि॒ष॒द्य । नि॒ष॒द्या॒ग्ने॑ । नि॒ष॒द्ये॒ति नि – स॒द्य । अ॒ग्ने त॒व ।  
 त॒व नः॑ । नः पा॒न्तु॑ । पा॒न्त॒व॒मूर॑ । अ॒मू॒रे॒त्य॒मूर॑ ॥ ये पा॒य॒वः ।

पा॒यवो॑ मा॒मते॒यम् । मा॒मते॒यम् ते॑ । ते॒ अ॒ग्ने । अ॒ग्ने प॒श्यन्तः॑ ।  
 प॒श्यन्तो॑ अ॒न्धम् । अ॒न्धम् दु॒रिता॑त् । दु॒रिता॑दरक्षन् ।  
 दु॒रिता॑दिति॑ दुः-इ॒तात् । अरक्ष॑न्नित्यरक्षन् ॥ ररक्ष॑ तान् ।  
 तान्त् सु॒कृतः॑ । सु॒कृतो॑ वि॒श्ववे॑दाः । सु॒कृत॑ इति॑ सु - कृतः॑ ।  
 वि॒श्ववे॑दा दि॒प्सन्तः॑ । वि॒श्ववे॑दा इति॑ वि॒श्व - वे॒दाः । दि॒प्सन्त॑ इत् ।  
 इद् रि॒पवः॑ । रि॒पवो॑ न । ना ह । ह दे॒भुः । 32 (50/58)

**T.S.1.2.14.6 - kramam**

दे॒भुरिति॑ दे॒भुः ॥ त्वया॑ व॒यम् । व॒यञ् स॒धन्यः॑ । स॒धन्य॑स्त्वो॒ताः ।  
 स॒धन्य॑ इति॑ सध-न्यः॑ । त्वो॒ता स्तव॑ । तव॑ प्र॒णीति॑ । प्र॒णीत्य॑श्याम ।  
 प्र॒णीतीति॑ प्र - नी॒ती । अ॒श्याम॑ वा॒जान् । वा॒जानि॑ति॒ वा॒जान् ॥  
 उ॒भा श॒ञ्सा॑ । श॒ञ्सा॑ सू॒दय॑ । सू॒दय॑ स॒त्यता॑ते । स॒त्यता॑ते ऽनु॒ष्टुया॑ ।  
 स॒त्यता॑त इति॑ सत्य - ता॑ते । अ॒नुष्टु॑या कृ॒णुहि॑ । कृ॒णुह्य॑ह्य॒याण॑ ।  
 अ॒ह्यया॑णेत्यह्य॒याण॑ ॥ अ॒या ते॑ । ते॒ अ॒ग्ने । अ॒ग्ने स॒मिधा॑ । स॒मिधा॑  
 वि॒धेम॑ । स॒मिधे॑ति॒ सं - इ॒धा । वि॒धेम॑ प्रति॑ । प्रति॑ स्तो॒मम् ।  
 स्तो॒मञ् श॒स्यमा॑नम् । श॒स्यमा॑नम् गृ॒भाय॑ । गृ॒भाये॑ति॒ गृ॒भाय॑ ॥  
 दहा॑शसः । अ॒शसो॑ र॒क्षसः॑ । र॒क्षसः॑ पा॒हि । पा॒ह्यस्मा॑न् ।

अ॒स्मान् द॒हः । द॒हो नि॒दः । नि॒दो मि॒त्रम॒हः । मि॒त्रम॒हो अ॒वद्यात् ।  
मि॒त्रम॒ह इति॑ मि॒त्र - म॒हः । अ॒वद्या॑दि॒त्यव॒द्यात् ॥ र॒क्षो॒हणं॑  
वा॒जिन॑म् । र॒क्षो॒हण॑मि॒ति र॒क्षः - ह॒नम् । वा॒जिन॑मा । आ जि॒घर्मि॑ ।  
जि॒घर्मि॑ मि॒त्रम् । मि॒त्रम् प्र॒थिष्ठ॑म् । प्र॒थिष्ठ॑मु॒प । उप॑ या॒मि । या॒मि  
श॒र्म । श॒र्मेति॑ श॒र्म ॥ शि॒शानो॑ अ॒ग्निः । अ॒ग्निः क्र॒तुभिः॑ । क्र॒तुभिः॑  
समि॒द्धः । क्र॒तुभि॑रि॒ति क्र॒तु - भिः॑ । समि॒द्धः सः॑ । समि॒द्ध इति॑  
सम् - इ॒द्धः । स नः॑ । नो दि॒वा ( ) । दि॒वा सः॑ । 33 (50/58)

**T.S.1.2.14.7 - kramam**

स रि॒षः । रि॒षः पा॒तु । पा॒तु न॒क्तम् । न॒क्तमि॒ति न॒क्तम् ॥  
वि ज्यो॒तिषा॑ । ज्यो॒तिषा॑ बृ॒हता॑ । बृ॒हता॑ भा॒ति । भा॒त्यग्निः॑ ।  
अ॒ग्निरा॒विः । आ॒विर् वि॒श्वानि॑ । वि॒श्वानि॑ कृ॒णुते॑ । कृ॒णुते॑ म॒हित्वा॑ ।  
म॒हित्वेति॑ म॒हि - त्वा ॥ प्रा॒दे॒वीः । अ॒दे॒वीर् मा॒याः । मा॒याः स॒हते॑ ।  
स॒हते॑ दु॒रेवाः॑ । दु॒रेवाः॑ शि॒शीते॑ । दु॒रेवा॑ इति॑ दुः - ए॒वाः । शि॒शीते॑  
शृङ्गे॑ । शृङ्गे॑ र॒क्षसे॑ । शृङ्गे॑ इति॑ शृङ्गे॑ । र॒क्षसे॑ वि॒निक्षे॑ । वि॒निक्षे॑  
इति॑ वि - नि॒क्षे ॥ उ॒त स्वा॒नासः॑ । स्वा॒नासो॑ दि॒वि । दि॒विष॑न्तु ।  
स॒न्त्वग्नेः॑ । अ॒ग्ने स्ति॒ग्मायु॑धाः । ति॒ग्मायु॑धा र॒क्षसे॑ ।

प्रथम काण्डे – द्वितीयः प्रश्नः – (TS 1.2)

ति॒ग्मा॒यु॒धा इति॑ ति॒ग्म – आ॒यु॒धाः । रक्ष॑से ह॒न्त॒वै । ह॒न्त॒वा उ ।  
उ॒वि॒त्यु ॥ म॒दे चि॑त् । चि॒द॒स्य । अ॒स्य प्र । प्र रु॑जन्ति । रु॒जन्ति॑  
भा॒माः ॥ भा॒मा न । न व॑रन्ते । व॒रन्ते॑ परि॒बाधः॑ । परि॒बाधो॑ अ॒दे॒वीः ।  
प॒रि॒बाध इति॑ प॒रि – बा॒धः । अ॒दे॒वीरि॒त्य॒दे॒वीः ॥ 34 (41/45)  
(अ॒घ॒श॒सः – स ते॑ – ज॒र॒ता – रु॒जा॒मि – ह – दि॒वै – क॑च॒त्वा॒रि॒श्च॒)  
(A14)

---



Prasna Korvai with starting Padams of 1 to 14 Anuvaakams :-

(आप॑ उ॒न्द॒त्त्वा-कू॒त्यै-दै॒वी-मि॒यन्ते-व॒स्व्यस्य॑-ॐ॒शुना॑ते-  
सोम॑न्त-उ॒दायु॑षा - प्र च्य॑वस्वा-ऽग्ने॑रातिथ्य-म॒ॐशु॒र॑श्च॒ शुर॑-  
वि॒त्ताय॑नी मेऽसि॒ - यु॒ञ्चते॑ - कृ॒णुष्व॑ पा॒ज-श्च॑तु॒र्दश॑ ।)

Korvai with starting Padams of 1, 11, 21 Series of Panchaatis :-

(आपो॑-व॒स्व्यसि॑ - या तवे॑-य॒ङ्गी-श्च॑तु॒स्त्रि॒॑ंशत् ।)

First and Last Padam of Second Prasnam :-

(आप॑ उ॒न्दन्-त्व॑दे॒वीः ।)

॥ हरिः॑ ओं ॥

॥ कृष्ण॑ यजुर्वेदीय तैत्तिरीय संहितायां प्रथमकाण्डे

द्वितीयः॑ प्रश्नः समाप्तः ॥

---

## प्रथम काण्डे – द्वितीयः प्रश्नः – (TS 1.2)

---

### Details of Panchati , Padam and Krama Vaakyams for

#### Kandam 1 - Prasanam 2 - (TS 1.2)

	Panchati	Padams	Krama Vaakyams
Anuvakam 1	2	108	124
Anuvakam 2	3	130	148
Anuvakam 3	3	175	193
Anuvakam 4	2	105	115
Anuvakam 5	2	79	88
Anuvakam 6	1	57	67
Anuvakam 7	1	72	84
Anuvakam 8	2	85	96
Anuvakam 9	1	73	83
Anuvakam 10	2	101	119
Anuvakam 11	2	90	100
Anuvakam 12	3	135	155
Anuvakam 13	3	139	158
Anuvakam 14	7	341	384
Total →	34	1690	1914